

04.11.1993

Założenie towarzystwa za wuchowanie a wużiwanie hrodu	Gründung eines Vereins zur Rettung und Nutzung des Schlosses Radibor
W sakskej komunalnej politice běchu w lětach 1991-1994 přenje prócowanja małe gmejny zjednočić. Oficialne „Zasady ke komunalnemu cilowemu planowanju“ a směrnicy za dobrowólne gmejnske zjednoćenja orientowachu na minimalnu ličbu 2000 wobydlerjow za samostatne gmejny. Gmejnski porjad z lěta 1993 (SächsGemO) rjadowaše změny teritorijow a stwori prawnski zakład za tajke zjednoćenja. W zwisku z wukazanej gmejnskej reformu w Sakskej, kotraž wjedžeše zwjetša k přiřadowanju mjeńšich k wjetšej gmejnje, mějachu wobydlerjo hustodosć składnosć sobu rozsudzić, ke kotrej gmejnje chcedža so přizamknýć. To potrjechi tež mjeńše susodne gmejny Radworja: Łupoj, Lutobč a Łuh-Chasow. W přihotach na zjednoćenje z Radworjom k 01.01.1994 přewjedžechu so w mjenowanych gmejnach wobydlerske naprašowanja: Gmejna Lutobč: Na wobydlerskej zhromadźiznje dnja 04.11.1093 so žadanje wulkeje wjetšiny wobydlerjow zwurazni, zo přistupi Lutobč k 01.01.1994 k gmejnje Radwor. Někotři radzičeljo chcychu to přestorčić, zo bychu gmejnske pjenjezy najprjedy za ryzy Lutobčanske zaměry přetrjebali. Spočatk awgusta při naprašowanju běchu so 80% wobydlerjow za přistup k Radworskej gmejnje wuprajili a tući žadachu, tole nětko tež zwoprawdźić. Radworski wjesnjanosta Baberska slubi, zo budu so po přistupje Lutobčanske pjenjezy jeno za projekty w Lutobču wužiwać. Na to Lutobčanska gmejnska rada přistupej přihłosowa. Gmejna Łupoj: Dnja 07.10.1993 běchu wobydlerjo Łupjanskeje gmejny namołwjeni, wo přichodže swojeje gmejny we wobłuku gmejnskeje reformy rozsudzić. We Łomsku wuprajichu so z 83 procentami za přistup k Minakatej. 88,2 procentaj wobydlerjow we Łupoji a 75,4 procenty we Łupjanskej Dubrawce pak rozsudžichu so za Radworsku gmejnu, kotraž ma z tym jako samostatna gmejna swój přichod zawěšćeny. Gmejna Łuh-Chasow: Hižo w meji je so w Chasowje naprašowanje přewjedło hač chcedža Chasowčenko k Radworskej gmejnje přistupić abo k Njeswačidłu. Po wuličenju hłosow kónc meje je rozsud nětko padnył: Chasow přizamknje so Radworskej gmejnje. Dokładnje 65,5 procentow wšěch woprašanych so za to rozsudži. Gmejnski parlament we Łuze je tole bjezposrědnje na to oficialnje wobzamknył. Tutón formalny akt bě trěbny, zo móhło nětko zjawnoprawniske dojednanje scěhować. Łuh sam přidruži so Njeswačidłu. 29.09.1993 je Radworski gmejnski parlament jednohłósne přistupej Chasowa spočatk lěta 1994 do Radworskeje gmejny přilosował.	

start.....1993

From:
<http://82.165.187.122/> - **Radibor - Chronik**

Permanent link:
http://82.165.187.122/doku.php?id=04.11.1993_vorb.gemeindereform&rev=1767534140

Last update: **2026/01/04 13:42**

